

BATERA PLATAFORMA. Antolatzaileak baikor agertu dira eta Jean-Pierre Raffarini eta tokiko diputatuei mezua zabaldu diete, datozen hilabeteetan ere mobilizazioak «aldarrikapenak lortu arte» iraganen direla iragarritz.

Milaka lagunek batera aldarrikatu dute Ipar Euskal Herriaren onarpena, Baionan

Lau zutabetan abiatu manifestazioak 7.000 lagun bildu ditu orotara, sekulako euri erauntsien azpian

E. Bidegain - N. Arbelbide | BAIONA

Manifestazio berezia ikusi zen Baionako karriketan atzo arratsaldean. Antolatzaileen arabera, 7.000 lagun elkartu ziren Baionako lau tokitan, eta gero, San Leongo bidegurutzean bat egin zuten. Batera plataformak antolatu manifestazioak arrakasta lortu zuen, kontuan hartuz sekulako euria, hotza eta haizea erori zirela, atertu gabe.

Aterkien azpian edo euripean, jendeak ibilaldia jarraitu zuen, bi oren eta erdiz. Lau hitzordu eta lau ibilaldi finkatzeak giro berezia sortu zuen. Baionako Suprefeturaren aitzinetik, euskal departamendua-ren aldeko zutabea abiatu zen. Sindikalistak, alderdi politikoe-tako ordezkariak eta hautetsi ugari ikus zitekeen. Hautetsien artean, auzapez eta kontseilari nagusi batzuk, xingola xurigorri-urdina soinean (abertzale pare bat barne) ikus zitezkeen. Parean, Suprefeturaren zaindari-edo, hamar bat CRS kamioneta.

Andre Darraidou eta Sauveur Bachoren mintzaldien ondotik abiatu zen ibilaldia. Alderdi politiko arras desberdinetako jendea zutabe berean ibili zen. Han ziren Filipe Goietxe ABko bozeramailea, Joseba Permach Batasuneko, Joseba Egibar EAJkoa, Patxi Zabaleta Aralar-koa, Frantxoa Maitia PSkoa, bertzeak bertze.

Traktoreak, trikitixa eta gaita

Zutabe hau abiatu eta ehun bat metrora zeuden laborantza ganberaren aldekoak. Giro musikatuagoa sentitzen zen, trikitixa soinuekin eta pastora-leko aireekin. Departamendua-ren aldeko zutabea hara hurbildu zelarik, jadanik hasi zen gehiketaren sentimendua sortzen. Laborarien adarra handik laster abiatu zen, traktoreekin. Bi zutabeak San Leongo bidegurutzean heldu ziren.

San Leonen euskararen ofizialtasunaren aldeko doinua, gaita doinua, entzuten zen. Zutabe hori Lauga aitzinetik



BAT EGINDA. Lau zutabeek San Leongo bidegurutzean egin zuten bat, eta elkarrekin egin zuten San Andres plazarainoko bidea, joaldunak aurrean zituztela.



EUSKALGINTZA. Euskararen ofizialtasuna aldarrikatu zuen euskalgintzaren zutabeak, besteak beste Demo-ek eraman zuten pankartarekin.

abiatua zen, Sustrai Colinaren eta Amets Arzallusen bertso banaren ondotik. Colinak horrela kantatu zuen: «*Laburragoa da bidea, batera egiten bada*». Manifestari gehien bildu

zuen zutabea, euriari irri, familia giroa senti zitekeen. Euritakoen azpian gorderik, bereziki gurasoek beren haurrekin osatzen zuten ibilaldia-ren zati handiena. Mixel Etxe-

berri Seaskako lehendakaria eta Mixel Oronos Euskal Konfederaziokoa euskararen koofizialtasunaren banderolaren gibelean ziren, eta Demoek ere berena atera zuten. Euskalgin-

JARRAIPENA

Manifestazioa antolatuko dute urriaren 11n

Batera plataformakoek adierazia zuten atzokoa «hastapen» bat zela. Atzo iragarri zituzten datozen mobilizazioak. Urriaren 11n bertze manifestazio bat antolatuko dute, atzokoaren ildo bere-tik, baina oraindik jendetsuago izateko esperantzare-kin. Atzotik hasi zuten giro-tze kanpaina.

Bitartean bertze elkarretaratzerik iraganen da. Hilabe-tero antolatuko dituzte mo-bilizazioak. Lehen hitzordua otsailaren 26erako da. Egun hartan iraganen da Haute-tzien Kontseiluaren biltzar nagusia, Baionako Kontseilu nagusiaren egoitzan. Batera-k elkarretartzera deitu du, 16:30erako. Batera-k argi utzi nahi du mobilizazioen bi-tartez «gaurko egoera politi-koa aldaraztea» duela helbu-ru, Marie-Jeanne Merkapi-dek manifestazio bukaerako mintzaldian adierazi zuenez. «Gure mobilizazio gaitasu-nek baldintzatzen dute gure geroa, kolore politiko guz-tien gainetik pasatuz».

Matignongo azken bilera aipatuz, «gure indarrak bil-duz, Matignongo burumui-nak iratzarraziko» dituzte-la ziurtatu zuen. Ipar Euskal Herriko parlamentari-entzat ere izan ziren kritikak. «Ma-tignonen ezetza azkeneko hitz gisa hartu duzue. Ez gai-tuzue ongi ezagutzen eta ez duzue aski ongi baloratzen emendatzen ari den herria-ren haserre».

tzako militante andana bat antolakuntzan aurkitzen zen, bide bazterretan manifestazioa zaintzen. Joaldun, gaita eta tri-kitixen ondoan, Xabaltx kanta-ria leloak oihukatzen eta abes-